



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მიმინო

მიმინო (*Accipiter nisus*), მტაცებელი ფრინველი ქორისებრთა ოჯახისა. დედალი ტანად მამალზე დიდია. მ-ს სხეულის სიგრძეა 31-41 სმ, მასა - 150-275 გ. გავრცელებულია ევროპაში, აზიასა და აფრიკაში (ეგვიპტე). არ გვხვდება ტუნდრის ზონაში. ბინადრობს საქართველოში. ბუდეს ხეზე იკეთებს. დებს 4-5 კვერცხს, კრუხობს 31-33 დღ-ღ. ამ პერიოდში დედალს და მართვეებს მამალი აჭმევს. მ. იკვებება უმთავრესად პატარა ჩიტებით (ორნითოფაგია), აგრეთვე მღრღნელებით, ქვეწარმავლებით, ამფიბიებითა და მწერებით. დას. საქართველოს ზოგ რეგიონში მ-ს შავარდნის მაგივრად იყენებენ სანადიროდ, წვრთნიან მართვეს.

რ. ჟორდანია
